

۱۶ کانون ثانی ۱۳۲۸


نومرو ۵۰

آدرهس :

اجتهاد اداردخانهسی :

دارالمعلمین قارشینده دائره

مخصوصه در .



اجتهاد

آدرهس :

İDJTIHAD

Constantinople

سنه لك آبونہ بدلی ۴۰ ، نسخہ سی

۵۰ پاره در .

دوردنجی سنه

پنجشنبه کونلری نشر ایدیلیر اقتصادی ، اجتماعی ، ادبی مجموعه

کوردستان، عربستان لازستان، ارمنستان الخ کله لریله
 اویناماق زماننده دکلر: متحد و حراولاراق یاشامایه مستحق
 و مقتدر اولدیغمز ماده بینهلر ویرمچک زماندیز. بز
 چوق بویوک فلاکتله اوغرادق، فقط فلاکتلرک الکمهلی
 واک بویوک هنوز بزلی بکله مکده در. بیر فلاکت که اوندن
 قور تولماق ائزده در، هنوز ائزده در. او الکمهلی واک بویوک
 فلاکت شیمدی یه قدر و بالخاصه شیمدی اوغرا دیغمز
 فلاکتلردن متنصح اولماقادر. فقط بیر ایمان خروشان
 و فروزان ایله قانع و امین که بومملکت ئوله مشدر. و ئوله مهیه،
 یاشامایه و یاشاتمایه قرار قطعی ایله قرار ویرمش جانلرله
 طولودر.

۱ کانون تانی ۱۹۱۳

عبدالله جودت



«تصویر افکار» قلیش

ادرنه نك آرسلان مدافعی شکری پاشا حضرتلری

مشار الیهک تلغرافی:

«ادرنه کبی دنیانک الک مستحکم مواقعدن معدود
 برشر مقدسی دنی، خونخوار بر دشمنه تسلیم ایدمچک
 آلیق بر قوماندان شانی عثمانی تاریخنده کوروله مشدر»

«کوردلرک لاقلا بیک سنهک ماضی مدنیسنی اوکر نمک
 و بوضورتله کوردلرک خصائص تمدنی حقنده بیر فکر ایدینک
 اوزره هانکی منبعاره مراجعت ایتک لازمکیر؟»
 بو خصوصده ویرمچکمز جواب هر ایکی عنصرک ده
 قولتوغنی قابارداحق ماییتده دکلر.
 هر ایکی عنصر دخی نه بیک سنهک نه یوز سنهک
 بیر ماضی مدنیست کوسته ره بیلمکدن اوزا قدر.
 بو عنصر اردن هیچ بیر انسانیت نه بیر (شکسپر) نه
 بیر (مولیه) نه بیر (غوته نبرغ) نه بیر دو قنور (به هریغ)
 نه بیر (بستور) یا خود (جه ندر) ویرمه مشدر.
 فقط اجتهادجه بیر قومک دوام حیات و استقلالنک
 موقوف علماری باشلیجه شوایکی خصیصه در:
 جنکاورلک، یعنی حرب و ضربه قندار.

صایع کارلق، یعنی اقتصاداً حفظ استقلاله اهلیت.
 بو خصلتلرک بیر نخیسنده کوردلرک اکیینه جیسنده ارمنیلر
 تمیز ایتشاردر. بیرنجی خصلتک نماینده سی اولاراق سلطان
 صلاح الدین ایوبی ذکر اولونور. اکیینجی خصلتک نماینده
 لری هر عصرده ارمنی وطنداشلرک آراسنده اکییک
 اولما مشدر و الیوم اکییک دکلر. بیرنجی خصلتک ممتاز
 صاحب لری اولدوقلری ارسلان لاز و چرکس قارداشلر مزله
 برابر کوردلرک دون، داهادون، چتالجه خط مدافعه سنده اثبات
 ایتدیله. عثمانی سپرلرینک ایچنده بلغار مهاجرلری طوتوب
 یرلره چارپان عسکرلرک منسوب اولدوقلری عنصر ازجمله
 لاز، چرکس و کورد عنصر لری ایدی. اشقودره قوماندانی
 رضا بک و بوکون رسمی اجتهادی نرین ایدن ادرنه مدافعی
 شکری پاشا کورد عنصر ننددر.

تکرار و اجمال ایدم. اجمال و تکرار ایدر ایکن
 مخلص و بی طرف و کافه علائق دینی و عنصریه دن آزاده
 بیر فرد انسانی قلب و وجدانیله متحسس و متفکر اولدیغنی
 تأمین ایدم.

بنده بوجنای ارتکاب ایتیه جک و صوک نفری کندی
 طبانجه مه کنیدی ده صوک قورشونه تودیع ایده جکم .
 شهرده امکان مقاومت قلمدیغنی کورنجه محاصره آلتنده
 بولنان لااقل قرق بیك بولغاری تجرید ایده رک عجزه
 صیان و نسوانی قونسلسلرک الیرینه برر بیاض چارشاف
 ویره رک آنلرک حایه سنه تودیعا شهردن چیقاره جکم .
 شمیدی یه قدر یابدقاری کبی بولری ده اونلرک مدیت
 کوزلری اوکنده ایستیرسه احا ایتسونلر . . بعده طوپلری
 او مشهور عالم مبانی واماکن معززمن ایله بولغارلر اوزرینه
 چویره جک و شهریمزی آتشاره بوغهرق خرابه زاره دوندیره
 جکم . ایچریده آتش ، طیشاروده اولوم ایچنده قاله جق
 قهرمان عسکریم ایشته اوزمان ولوکه محاصری بر ملیون
 اولسون ، آنی یاره جق و بصورتله یا قهرمانجه اوله جک
 ویاخود مقدس پایتخت اجدادی شانه ترک ایده جکدر . »



عصرلرک پانورامای

یاخود

تاریخ کائناته بیر نظر

مدخل

محاربه نعره لری ، سلاح پاتیردی لری ، بایراق تموجلری
 آراسنده ، هریردن قوشوب کلن مزدحم و متهیج انسان
 کومه لری ، عرق خلیطه لری : ایشته بشریتک سیل مشکوک

و مہمی . اعماق اعصاردن بری او : متوحش ، مغند
 آنی صولتیه ، شوق ویاسلری ایله طراقه ساز ولوله سیله
 ماضینک سکونتنی اخلاص ایددرک ، دائماً قاباران موجه سیله
 ارضی قاپلایاراق بزه قادار واصل اولویور . اوراده ،
 ظلمت اعصارده قبل التاریخی طبیعتک عجیب طاشقینلنی
 ایچینده چیرپینیور ، وحشی اورمانلر آره سنده سرسری
 طولاشیور و آنجاق اونلرک کولککلرند بارینه بیلور .
 صوکره جسارتله نیور ، یوردینی ترک ایدیور : بووجهله
 عائله لر ، عشیرتلر ، قوملر تشکل و تکثر ایدیور . بشر
 طالغهمی عصردن عصره صعود ایدر ؛ اوزون صبر و ثباتی
 سایه سنده بوتون موانعی قیرار ؛ اوولره یاییلان نهرکی
 طاشار ؛ بوتون ارضی اوزون طالغله لریله ایتلا ایدر .
 عرقلر چارپیشیرلر ، قاریشیرلر ، تصالب ایدرلر ،
 وینه بیرلشیرلر ، بیاض اقوام ، سیاه اقوام ، صاری
 اقوام کشف کوزلریله ، کورولتولی چتله لریله ، بی قرار
 اولان آرامسزلقلریله جهانی طولدورورلر . قطعات ارضک
 وسعتی اونلرک اتساع و ترقیلری ایچین طار بیر ساحه در .
 انسان شمالدن جنوبه ، جنوبدن شماله کیدر ، کلیر ؛ منطقه
 حارملرک یاقیچی چوللرند ، شمال جودیله لرینک ایصمیز .
 لقلرند فتح و تحکم فکر عنودانه سنی تعقیب ایدر . نهایت
 ایلك حکومتار وجود بولیور ؛ درحال منقرض اولیورلر ؛
 انقاضدن یکیلری تشکل ایدیور و اونلرده زوال بولیورلر .
 اقوام تعضو ، ترکب و انفلاق ایدیورلر . دائمی بیر
 عمل ، سورکلای بیر فعالیت بعضیلرینی تکاملدن تکامله
 سوروکلایور ؛ حالبوکه دیگرلری عطالته طالیور ، حرکتدن
 قالیور ، ترقی و تکامللری ابدیاً طور یور .

مدیت طوغدی : انسان کنیدیسنی آکلادی . شیمدی
 غلغله اقوام داها حار و حامی اولیور . ارضده کنیدیسنه
 تحکم ایدن نل آلتنده استیخاله ایدیور : هر طرفده
 قصبه لر ، معبدلر ، متحکم موقعلر و بلددر باش کوسته .
 ریور بو مختلف حرکات آراسنده فاتحلر ؛ جماعت واردو .